

**BOSNA I HERCEGOVINA  
FEDERACIJA BOSNE I HERCEGOVINE  
TUZLANSKI KANTON  
ZAVOD ZDRAVSTVENOG OSIGURANJA  
TUZLANSKOG KANTONA  
TUZLA**

29. 05. 2018  
OTPREMLJENO  
BW

Broj: 04-1468-12-15-14/17  
Tuzla, 28.05.2018. godine

Na osnovu člana 70. stav (1), (2), (3) i (6), člana 100. stav (3) Zakona o javnim nabavkama ("Službeni glasnik BiH", broj: 39/14), člana 12. Statuta Zavoda zdravstvenog osiguranja Tuzlanskog kantona ("Službene novine TK", broj: 4/16) i Preporuke Komisije za javne nabavke broj: 04-1468-12-15-11-1/18 od 28.05.2018. godine, donosim

**ODLUKU**

**o izboru najpovoljnijeg ponuđača**

**I**

Za najpovoljniju ponudu za nabavku usluga „certifikacije po ISO standardima“, bira se ponuda ponuđača **INSTITUT ZA CERTIFICIRANJE SISTEMA d.o.o. Sarajevo** sa cijenom u iznosu od 21.000,00 KM bez PDV-a, odnosno 24.570,00 KM sa PDV-om.

**II**

Po pravosnažnosti ove Odluke, Ugovorni organ će pozvati izabranog ponuđača radi zaključenja Ugovora kojim će se regulisati međusobna prava i obaveze vezane za predmetnu nabavku shodno uslovima Ugovornog organa navedenim u tenderskoj dokumentaciji i zakonskim propisima koji regulišu postupke ugovaranja.

**III**

Stupanjem na snagu ove Odluke, van snage se stavlja Odluka o poništenju postupka nabavke broj: 04-1468-12-15-12/17 od 17.05.2018. godine.

**IV**

Odluka stupa na snagu danom donošenja.

**OBRAZLOŽENJE**

Dana 17.05.2018. godine donesena je Odluka o poništenju postupka broj: 04-1468-12-15-12/17, a na osnovu člana 69. stav (2) pod d) Zakona o javnim nabavkama BiH, odnosno iz razloga što nijedna od primljenih ponuda nije prihvatljiva.

Obavještenje o rezultatu postupka (broj: 04-1468-12-15-13/17), je otpremljeno prema ponuđačima koji su učestvovali u predmetnom postupku 17.05.2018. godine.

U prilogu Obavještenja ponuđačima je dostavljena Odluka o poništenju postupka i Zapisnik o pregledu i ocjeni ponuda broj: 04-1468-12-15-11/17 od 15.05.2018. godine.

Ponude za predmet nabavke su dostavili "Optimus-CERT" d.o.o. Tuzla i INSTITUT ZA CERTIFICIRANJE SISTEMA d.o.o. Sarajevo.

Ponuđači "Optimus-CERT" d.o.o. Tuzla i INSTITUT ZA CERTIFICIRANJE SISTEMA d.o.o. Sarajevo su Odluku o poništenju zaprimili 21.05.2018. godine.

U skladu sa članom 101. stav (5) Zakona o javnim nabavkama BiH, ponuđaču je omogućen rok žalbe u roku od 5 dana od dana prijema odluke.

Dana 24.05.2018. godine, putem elektronske pošte (e-mail) Ugovornom organu je dostavljena žalba (broj: 433-05/18) od strane ponuđača INSTITUT ZA CERTIFICIRANJE SISTEMA d.o.o. Sarajevo, a ista je dostavljena putem pošte 25.05.2018. godine, u originalu i u tri primjerka, kako je i propisano članom 99. stav (2) Zakona o javnim nabavkama BiH.

Ugovorni organ, postupajući po članu 100. Zakona o javnim nabavkama BiH, utvrđuje da je žalba blagovremena, dopuštena i izjavljena od ovlaštenog lica.

Dana 15.05.2018. godine, sačinjen je Zapisnik o pregledu i ocjeni ponuda broj: 04-1468-12-15-11/17, koji sadrži sve elemente vezane za ocjenu i pregled dostavljenih ponuda u ovom predmetnom postupku.

Ponuda ponuđača INSTITUT ZA CERTIFICIRANJE SISTEMA d.o.o. Sarajevo je odbijena iz sljedećeg razloga:

*Dostavljena je Izjava da li planira predmet javne nabavke prenijeti na podugovarača (Aneks XI), ali na istoj nije navedeno da li planira ili ne planira podugovaranje.*

*U Izjavi o podugovaranju, koju je Ugovorni organ kreirao i dostavio u prilogu Tenderske dokumentacije, data je mogućnost da se ponuđači izjasne da li planiraju / ne planiraju podugovarati, pri čemu je navedeno na Izjavi da nepotrebno treba precrtati.*

*Komisija je stava da je ponuđač napravio propust u pripremi svoje ponude, te da se iz Izjave ne može zaključiti da li ponuđač planira ili ne planira podugovaranje.*

*Iz razloga što je ova stavka (podugovaranje) bitna za Ugovorni organ, te da Komisija ne može vršiti pretpostavke da li ponuđač planira ili ne planira podugovaranje, ponuda ponuđača INSTITUT ZA CERTIFICIRANJE SISTEMA d.o.o. Sarajevo odbacuje se kao formalno pravno neispravna.*

Uvidom u navode u žalbi (broj: 433-05/18) od strane ponuđača INSTITUT ZA CERTIFICIRANJE SISTEMA d.o.o. Sarajevo, utvrđeno je da je ponuđač u žalbi naveo da NISU imali namjeru podugovarati u ovom predmetnom postupku.

Komisija za javne nabavke je dana 28.05.2018. godine, nakon uvida u navode u žalbi (broj: 433-05/18), ugovornom organu dostavila Preporuku za donošenje Odluke o izboru najpovoljnijeg ponuđača odnosno da se Ugovor za predmetni postupak dodjeli ponuđaču INSTITUT ZA CERTIFICIRANJE SISTEMA d.o.o. Sarajevo.

S obzirom na navedeno, odlučeno je kao u članu I ove Odluke.

**POUKA O PRAVNOM LIJEKU:**

Ukoliko ponuđač smatra da je Ugovorni organ u toku datog postupka izvršio povrede Zakona ili podzakonskih akata ima pravo da pokrene žalbeni postupak u roku od 5 dana od dana prijema ove Odluke, u skladu sa članom 101. stav (5) Zakona o javnim nabavkama ("Službeni glasnik BiH", broj: 39/14).

U skladu sa članom 99. Zakona žalba se podnosi u pisanoj formi u dovoljnom broju primjeraka, a koji ne može biti manji od tri, kako bi mogla biti uručena izabranom ponuđaču i drugim strankama u postupku.

**DIREKTOR**

Mirsad Hodžić, dipl. ecc



**DOSTAVLJENO:**

1. Ponuđačima (s povratnicom)
2. Sektor za trezorsko poslovanje
3. a/a

